

ԱՄԵՐԻԿԱԶԱՅՆՐԻ ՄԱՍՆԱԿՅՈՒԹՅՈՒՆԸ ԵՐԿՐՈՐԴ ԱՇԽԱՐՀԱՄԱՐՏԻՆ

Ք. Ռ. ԱՎԱԴԵԱՆ

Երկրորդ աշխարհամարտի տարիներին պատմական ճակատագրի բերումով աշխարհով մեկ սփռված հայությունը, առաջադեմ մյուս ժողովուրդների հետ կողք կողքի, մարտնչել է ընդդեմ ֆաշիզմի, ընդդեմ բռնության՝ իր ավանդը ներդնելով հաղթանակի նվաճման գործում։ Նրանց շարքում իրենց առանձնահատուկ տեղն ունեն համերկահայերը, որոնք պատերազմի ամբողջ ընթացքում և ռազմական բոլոր գործողություններում հավասարապես մարտնչել, զոհվել և հաղթանակել են՝ երկրի պաշտպանության և համայն մարդկության ազատագրման համար։ Ինչպես նշվում է «Մեր տղաները. Երկրորդ համաշխարհային պատերազմի համերկահայ վետերաններ» արժեքավոր ժողովածուում, «այնտեղ, որտեղ կռվել են համերկացիները, այնտեղ են ևղևի նաև մեր տղաները»¹։ համերկահայերը, որոնք անձնուրապ զոհաբերել են իրենց կյանքը հանուն որդեգրած հայրենիքի ազատության ու համընդհանուր հաղթանակի։

Հատկանշական է, որ համերկահայ զինվորների հիմնական և զգալի մասը պատմական հանգամանքների բերումով ԱՄՆ գաղթածներն էին, թեև քիչ չեն եղել նաև ծագումով հայ համերկացիներ։ Ամերիկյան բանակ զորակոչված հայ երիտասարդների հայրենասիրական զգացմունքներն արտահայտվորի համար. «Ես և ընկերակիցներս իմ կյանքը զոհեցինք այս երկրի համար, քանի որ Միացյալ Նահանգներն այնքան լավ են վերաբերվել իմ ընտանիքի և իմ հանգիստ»²։ Եվ կամ՝ «Մենք պարտական ենք Ամերիկային ավելի, քան Ամերիկան է պարտական մեզ։ Մենք ինչպե՞ս կարող ենք մոռանալ Մերձավոր արևելքի նպաստամատուցի և Կարմիր խաչի մարդասիրությունը պատերազմի տարիներին (Առաջին համաշխարհային—Ք. Ա.) և հետագայում։ ...Այժմ մենք փորձում ենք փոխհատուցել մեր բարոյական մեծ պարտքը»³։

ԱՄՆ-ում քաղաքական ու տնտեսական ապահովություն գտած երախտագետ հայերի աճող համայնքի նվիրվածության և Երկրորդ աշխարհամարտի տարիներին նրանց ցուցաբերած անօրինակ անձնազոհության մասին են վկայում նաև Նյու Յորքի Հայ Ավետարանական եկեղեցու առաջնորդ Ա. Բեդիկյանի այս տողերը. «...Մեր սեր, այս երկրի նկատմամբ եղել է այնքան իրադատ, որքան մեր սերը մեր մայրենի հայրենիքը։ Ուստի մենք պատրաստ էինք մեր երկրի համար աճել այն, ինչ էլ պետք է ինքն և տալ՝ ինչ ունենք, ինչպես կանեինք մեր իսկ մայրերի համար...»⁴։

Երկրորդ աշխարհամարտի ամենածանր տարիներին ԱՄՆ-ի 10 միլիոնանոց բանակի կազմում, համերկյան զինվորի հետ կողք կողքի, բոլոր զորատեսակներում (հետևակ, ռազմաօդային և ռազմածովային ուժեր) ծառայել են 18.500—20.000 համերկահայեր (1940 թ. ԱՄՆ-ում կար շուրջ 200.000

¹ Our Boys. Armenian—American Veterans of World War II, (այսուհետև՝ Our Boys.), New York, 1951, p. 1.

² J. H. Tashjian. The Armenian American in World War II. Boston, 1952, pp. VII, VIII.

³ Հայաստանի Հանրապետության Պետական պատմական կենտրոնական արխիվ (այսուհետև՝ ՀՀ ՊՊԿԱ), ֆ. 426, ց. 1, գ. 3169, թ. 40—41.

⁴ Our Boys, էջ 8.

հայ)⁵, նրանք արիաբար կռվել են Փիրլ-Հարբորի, Կորալյան ծովի, Միդուեյի, Հյուսիսային Աֆրիկայի, Սիցիլիայի, Իտալիայի, Բիրմայի, Հնդկաստանի, Չինաստանի, Իրանի, Անդլիայի, Ֆրանսիայի, Բելգիայի, Գերմանիայի և այլ ռազմաճակատներում:

Ամերիկահայ զինվորների մեծ մասը վերադարձել է հաղթանակով, սակայն քիչ չեն եղել նաև հերոսաբար զոհվածները (շուրջ 500 հոգի), վիրավորվածները (500-ից ավելի) և անհայտ կորածները (մոտավորապես 50 հոգի)⁶։ Մեծ-ի կառավարությունը բարձր գնահատելով ամերիկահայերի խիզախությունը, նվիրվածությունն ու ռազմական ունակությունները, բազմաթիվ հաջորդի-ների շնորհիվ է ամերիկյան բանակի ամենաբարձր աստիճաններ, պարգևատրել րարձրագույն կարգի շքանշաններով և հերոսի կոչումներով։ Այսպես՝ Նրչրորդ աշխարհամարտի տարիներին Միացյալ Նահանգների բանակի ամենաբարձր կոչում ունեցող հայազգի զինվորականը գնեբրալ Հայկ Շեքերջյանն էր, որը 1942 թ. այդ կոչմանն էր արժանացել պրեզիդենտ Ֆ. Ռուզվելտի կողմից։ Դեռևս երիտասարդ հասակում դրսևորած քաղաքացիական բացառիկ խիզախության համար (նա տասնվեց տարեկան էր, երբ քաղաքար իրեն նետել էր սաստիկ հրդեհվող տան մեջ՝ փրկելով մի կնոջ ու նրա երեխային) ԱՄՆ-ի Ուեսթ-Փոնթի ռազմական ակադեմիա ընդունված և ուսանած առաջին հայազգի զինվորականը, հաջողությունների հասնելով, Առաջին աշխարհամարտից հետո ծառայել է Անտանտի զորքերի կազմում։ Զբաղեցրել է պատասխանատու պաշտոն պաշտպանության նախարարության գլխավոր շտաբում, իսկ 1943 թ. նշանակվել Ալաբամայի սահանգի Սիբերթ ճամբարի ուսումնական կենտրոնի հրամանատար։ Իր մատուցած բարձր ծառայությունների համար նա պարգևատրվել է «Երախտիքի լեգեոն» շքանշանով։ Հ. Շեքերջյանը հպարտ էր իր հայկական ծագմամբ։ Այդ են վկայում ամերիկահայերին րոնթագրող նրա խոսքերը. «...Հայերին բնորոշ է սերնդեցանկությունը՝ փոխանցվող քաղությունն ու հավատարմությունը։ Հաջողակ լինելուցանկության հետ միասին այս գործոններն օգնում են նրանց... լինել արժանի ամերիկացի քաղաքացիներ՝ ի նպաստ երկրի ծաղկմանն ու բարգավաճմանը»⁸։

Ամերիկահայ բարձրաստիճան զինվորականների շարքում իրենց խիզախությամբ փայլել են նաև ամերիկյան բանակի հրամանատար Զեք (Սիրակ) Հանիկյանը, գնդապետներ Քրեք Բուլախը և Սարգիս Զարդարյանը։ Վերջինիս, նախքան Աֆրիկայում ծառայության անցնելը, վստահված է եղել ղեկավարել ԱՄՆ-ի ափամերձ մի շարք տարածքների (Մեյնի, Մասսաչուսեթսի և հանգաններ) պաշտպանությունը⁹։ Ամերիկյան բանակի գլխավոր շտաբի սպայակազմում էին Հակոբյանը, Կարապետյանը, Սարգսյանը¹⁰։ Գնդապետի տեղակալ Հարրի Սաչակյանն առաջիններից էր, որ ամերիկյան բանակի լեռնային ջոկատներին ուսուցանել էր օդազնացության մարտավարություն, իսկ ավելի ուշ՝ առաջադրվել ամերիկյան ռազմաօդային ուժերի վարչության կազմում¹¹։

⁵ J. H. Tashjian, *աղ. աշխ.*, էջ VIII: D. M. Lang, *The Armenians. A People in Exile*, London, 1981, p. 159: V. Wertsman, *The Armenians in America. 1618-1976*. New York, 1978, p. 13.

⁶ J. H. Tashjian, *նշվ. աշխ.*, էջ 252-362, 363-397, 433-454.

⁷ N. Barsumian, *Stowaway to Heaven*. Ohio, 1961, էջ 250: J. H. Tashjian, *նշվ. աշխ.*, էջ 155.

⁸ J. H. Tashjian, *նշվ. աշխ.*, էջ VIII.

⁹ J. H. Tashjian. *The Armenians of the United States and Canada*. Boston, 1947, էջ 58.

¹⁰ Our Boys, էջ 94.

¹¹ J. H. Tashjian, *նշվ. աշխ.*, 1947, էջ 57, 58.

Միացյալ Նահանգների բացառիկ և ամենաբարձր պարգևին՝ Կոնգրեսի Պատվո շքանշանին (որով ամերիկյան բանակից պարգևատրվել էր բնգամենը 87 մարդ) արժանացել էր ամերիկյան հերոս, ավագ լեյտենանտ էռնեստ Դերվիշյանն իր անօրինակ և գրեթե առասպելական խիզախության համար, որ ցուցաբերել էր 1944 թ. մայիսին՝ իտալական Սիստեռնա վայրում: Կատաղի ընդհարման ժամանակ կորցնելով իր մարտական ընկերներին և մենմենակ հայտնվելով թշնամական շրջափակման մեջ, նա կարողացել էր ռազմական արվեստի իր աներեակայելի հնարքներով դերել հակառակորդի՝ միանգամից քառասունհինգ զինվոր, խել ևրեք զնդացիր և տաս ատրճանակ: Է. Դերվիշյանի հարազատ Ռիչմոնդ քաղաքը համընդհանուր տոն էր հայտարարել իր հերոսի վերադարձի օրը՝ այն հուլիսիվ որպես «Դերվիշյանի օր»: Քաղաքապետի և բարձրաստիճան այլ պաշտոնյաների մասնակցությամբ տեղի են ունեցել հանդիսություններ, որտեղ նրան շնորհվել են թանկարժեք նվերներ, իսկ դրամական պարգևները նա հանձնել է հաշմանդամ զինվորների օգնության հիմնադրամին¹², Եվրոպական և խաղաղօվկիանոսյան տարբեր շրջաններում իր փայլուն ծառայության համար է. Դերվիշյանը պարգևատրվել է նաև արտասահմանյան մի շարք երկրների շքանշաններով. լեհական վտարանդի կառավարության կողմից՝ Պատվո մեդալով, Բրունզե աստղով, Արծաթե խաչով, իտալական զինվորական հրամանատարության կողմից՝ Ռազմական արիության խաչով, ինչպես նաև՝ Լավ վարքի շքանշանով, Եվրոպական Աֆրիկյան-Միջինարևելյան ճակատամարտերի շքանշանով, իշանով ու Արծաթե աստղով, Ամերիկյան ճակատամարտերի շքանշանով, Հաղթանակի շքանշանով, Մարտական հետևակադրուսիների կրծքանշանով¹³:

Պատերազմի ավարտից հետո զնդապետի աստիճանով զորացրված է. Դերվիշյանը զբաղեցրել է ռազմական բարձր պաշտոններ. եղել է Ամերիկյան ազգային լեգեոնի փոխհրամանատար, ռազմական ու պետական տարբեր հարցերով խորհրդական¹⁴:

Հետևակային ծառայության մեջ գրսևորած անհատական հերոսության համար երկրի երկրորդ բարձրագույն պարգևին՝ «Առանձնահատուկ ծառայության խաչ» շքանշանին, արժանացել է շտաբի սերժանտ Հենրի Կալփակչյանը (հետմահու), ծովային ծառայության մեջ՝ փոխհրամանատար Կեդրիկ Զանյանը, զնդապետ Հարրի Կիդիրյանը և առաջին կարգի լեյտենանտ Վիկտոր Մաղաքյանը: Խիզախության համար «Արծաթե աստղ» բարձր շքանշանով պարգևատրվել են 52 ամերիկահայեր, որոնցից հինգը՝ հետմահու: Անգնահատելի նվիրվածության և օրինակելի ծառայության համար «Երախտիքի լեգեոն» շքանշանին են արժանացել զնդապետ Քրեք Բուլախը, փոխզնդապետ Արամ Թուֆեկյանը: Օղաչուի սխրանքի համար բարձր պարգևի՝ «Օղանավորության խաչ» շքանշանի արժանացել են 44 ամերիկահայեր, որոնցից երկուսը՝ հետմահու: Անձնական խիզախության և պատերազմական դժվարին հանգամանքներում օգնության հասնելու համար սահմանված Զինվորական շքանշանով պարգևատրվել են 11 ամերիկահայեր, որոնցից մեկը՝ հետմահու¹⁵:

Ամերիկահայ հերոսների նախակարապետը, ծնունդով վանեցի, առաջին կարգի շարքային Վարդան Աղաբաբյանն էր՝ Սփրինգֆիլդից: Նա մասնակցել էր Առաջին և Երկրորդ աշխարհամարտերին, վիրավորվել տասնչորս անգամ և պարգևատրվել ամերիկյան ռազմական երկու բարձրագույն շքանշաններով¹⁶:

¹² Our Boys, էջ 111—112:

¹³ N. Barsumian, նշվ. աշխ., էջ 135:

¹⁴ V. Werisman, նշվ. աշխ., էջ 110. Our Boys, էջ 111—112:

¹⁵ J. H. Tashjian, նշվ. աշխ., 1952, էջ 155—166:

¹⁶ Նույն տեղում, էջ X, 498—501:

Ամերիկահայ հերոս զինվորների թիվը չափազանց մեծ է։ Ուստի հիշատակում ենք միայն խոշոր ճակատամարտերում առավել աչքի ընկած, առաջամարտիկ մի շարք հայորդիների, որոնցից յուրաքանչյուրն ուրույն կերպով է նպաստել հաղթանակի նվաճմանը։

1941 թ. դեկտեմբերի 7-ին հաղաղ օվկիանոսում ամերիկյան 86 ռազմանավերի նկատմամբ Ճապոնիայի իրականացրած հարյուրից ավելի ուժահարումների ժամանակ, որոնք և պայմանավորեցին ԱՄՆ-ի ներգրավումը երկրորդ աշխարհամարտում, ամերիկյան բանակի կազմում էին նաև բազմաթիվ ամերիկահայեր։ Հարրի Փիլաֆյանը ծովի վրա առաջիններից է ընդունել Փիրլ-Հարբորից ստացված SOS աղետի ազդանշանը, իսկ ուժակոծության ժամանակ Փիրլ-Հարբորի ռազմաօդային կայանում ծառայող կրտսեր ենթասպա Ջորջ Վարդապետյանը, այդտեղ և հետագայում ցուցաբերած սխրանքների համար, չորս անգամ արժանացել է Մարտական աստղի և մտել առավել աչքի ընկածների պրեզիդենտական ցուցակի մեջ¹⁷։ Այդ դժվարին օրերին Փիրլ-Հարբորում իր զինվորական պարտքը կատարելիս զոհվել է առաջին ամերիկահայ զինծառայողը՝ կրտսեր ենթասպա Ջեյմս Թոփալյանը (պատերազմի ավարտից հետո Բոստոնի փողոցներից մեկը կոչվել է նրա անունով)¹⁸, արյունալի ընդհարման ժամանակ վիրավորվել են Ազնունի Բալիզյանն ու Միսաք Մանուկյանը, հրաշքով փրկվել՝ Վարանդ Մանուկյանը, Վարդգես Կիբակոսյանը, Ջորջ Գյոնջյանը, ծովային հրետանու զինվոր Զարկ Ասլանյանը, հրամանատար Ջեք Նահիկյանը և այլք։ Ամերիկահայերի շերտնում առաջին մարտական թուիջը կատարել է կրտսեր ենթասպա Ջոն Ֆրոնջյանը¹⁹։ Փիրլ-Հարբորի ուժահարման ժամանակ ինքնաթիռային կայանում իր ծառայությունն է իրականացրել կրտսեր ենթասպա Ջորջ Վարդապետյանը, որն այդտեղ և հետագայում դրսևորած բացառիկ խիզախության համար չորս անգամ արժանացել է «Մարտական աստղի» և մտել առավել աչքի ընկածների պրեզիդենտական ցուցակի մեջ։

Հայերը հերոսաբար մասնակցել են Ճապոնիայի դեմ ամերիկյան բանակի մղած խաղաղօվկիանոսյան գրեթե բոլոր մարտերին։ Այսպես՝ 1942 թ. ամռանը Միդուեյի կղզիներում նրանք հաջողությամբ դիմակայել են թշնամական 88 ռազմանավերի հարձակումներին (Լեոն-Չարլզ Ղասաբյանը՝ Քեմբրիջից, ծովային Հարրի Հովնանյանը՝ Բրոնքսից, ռադիոկապավոր Ռիչարդ Միքայելյանը՝ Ոոդ Ալլենդից և ուրիշներ), իսկ մեկ տարի անց Մունդա կղզում առավել խիզախությամբ աչքի են ընկել հակաօդային ուժերի լեյտենանտ, հրաձիգ Զարլզ Ալիանաբյանը՝ Մեդիայից և առաջին կարգի շարքային, դիպուկահար Զարլզ Մարտիրոսյանը՝ Սթենֆորդից։ Վերջինս, մարտերից մեկում կորցնելով իր բազմաթիվ զինակիցներին, վրեժով լցված, միայնակ ոչնչացրել էր 50 ճապոնացիներին²⁰։

1942—1943 թթ. Գուադալուպանալի համար մղվող մարտերում հերոսացան շարքային Ջոզեֆ Փոլոջյանը (Հարթֆորդից) և հայազգի այլ զինվորներ, ընդ որում 10 ծովայինների անունները հավերժ հիշատակված են կղզու պաշտպանության Պատվո արձանագրության մեջ²¹։ Վիկտոր Մաղաբյանը (Ֆրեզնոյից) պարգևատրվել է Մովային խաչ, Միրանազուն սիրտ և Արծաթե աստղ շքանշաններով։ Հետագայում նա առաջադրվել է ամերիկյան զնդապետի ավագ օգնական²²։ Ճապոնացիների դեմ ծովային ուժերի հերոս Վ. Մաղաբյանի սխրանքներով առկեսուն մարտերը պատերազմի ավարտից հետո իրենց գե-

¹⁷ Our Boys, էջ 94—95.

¹⁸ V. Wertsman, նշվ. աշխ., էջ 14:

¹⁹ J. H. Tashjian, նշվ. աշխ., 1952, էջ 1—9:

²⁰ Our Boys, էջ 96—97.

²¹ Նույն տեղում, էջ 97, 89:

²² J. H. Tashjian, նշվ. աշխ., 1947, էջ 57:

դարվեստական, արտացոլումն են դառնում ամերիկյան շարժանկարներում²³, Գուադալքանալի մարտերում «ծովային մեղուների» համբավ էին ձեռք բերել փոխգնդապետ Ս. Փիրիզյանը (Իսթ Լոնգմիդլենդ) և Ջարլզ Վանեսյանը (Չեյսից)²⁴:

Ֆիլիպիններում իրենց արիությանը աչքի են ընկել սերժանտ Արմեն Փանոսյանը, գլխավոր հրամանատար Զեքա Հակոբյանը և այլք²⁵, Վերջինիս սուզանավը ճապոնական շրջափակման միջով դուրս էր բերել ու փրկել ֆիլիպինյան պետական ոսկին, որի համար Զ. Հակոբյանը պարգևատրվել էր Արծաթե աստղ շքանշանով²⁶:

Ամերիկահայերը քաջաբար մասնակցել են նաև Հյուսիսային Աֆրիկայում՝ Ալժիրում, Օրանում, Կասաբլանկայում, Բիզերթում, Թունիսում և այլուր 1942—1943 թթ. մղված ճակատամարտերին: Հյուսիսային Աֆրիկայի նվաճման ժամանակ զոհված առաջին ամերիկացի զինվորը հայազգի կրասեր լեյտենանտ Զորջ Քուշնարյանն էր: Հիսուն ճակատամարտերում իրենց խիզախության համար էր հայտնի էին Առանձնահատուկ օդանավորդության խաչով, Օդային շքանշանով ու Պրեզիդենտական բացառիկ կոչումնադրով պարգևատրված օդաչու, առաջին կարգի լեյտենանտ Ալի Դոս Թեգնազյանը (Բրոնքսից), Առանձնահատուկ օդանավորդության խաչով պարգևատրված սերժանտ Միհրան Գիքսոսյանը (Լինբրուքից), թշնամու թիմին քանակապես կործանելու համար նույն պարգևին, ինչպես նաև Զինվորեն և շքանշանին արժանացած առաջին կարգի սերժանտ Հրանտ Զերեզյանը (նաև Ֆրանցիսկոյից), Աֆրիկայում և Գրենլանդիայում ցուցաբերած խիզախության համար երկու անգամ Առանձնահատուկ օդանավորդության խաչի արժանացած հրամանատար Արամ Փարունակը (Փիթմենից) և շատ ուրիշներ²⁷:

1943 թ. հուլիսին Սիցիլիայի նվաճման ժամանակ իր քաջությամբ աչքի է ընկել սերժանտ Հույկ Տեղ-Օհանեսյանը, որին հաջողվել էր գերեզմարել իտալացի ինը զինվորների, իսկ հետևակազորի շարքային Զեյմա Մոմջյանը (Ատլանտիկ Սիթիից) կողմից համար վճռական ճակատամարտում զոհվորեն սողոսկել էր թշնամու 300 մ տարածք ընդգրկող կրակահերթի միջով և վերականգնել ամերիկյան զորամիավորումների միջև ընդհատված կապը: Թեշնամու թիկունքում ահուսարսափ տարածող գաղտնի ջոկատների կազմում էին շտաբի սերժանտ Պերճ Ավագյանյանը, Ռոշեմբաու Հերոսյանը և առաջին կարգի սերժանտ Զորջ Օուրգանյանը²⁸: Ամերիկահայերը մասնակցել են նաև 1944 թ. գարնանը ԱՄՆ-ի բանակի՝ դեպի Հռոմ կատարած դժվարին անցմանը: Առավել աչքի ընկած օդաչուներից էին՝ Առանձնահատուկ օդանավորդության խաչի արժանացած Կարլ Զենյանը՝ Դրնուբայից, նույն պարգևով, ինչպես նաև Արծաթե աստղի ու Օդային շքանշանների արժանացած լեյտենանտ Ջարլզ Մուրադյանը՝ Ուորքեսթերից և ուրիշներ: Ֆիլադելֆիայից շտաբի սերժանտ Զեյմ Քելեշյանը մասնակցել էր հրաձգային հիսուն գործողություններին²⁹: Հայերն իրենց քաջաբար են դրսևորել նաև 1944—1945 թթ. Մեծ Բրիտանիայի, Ֆրանսիայի, Բելգիայի, Գերմանիայի և եվրոպական այլ երկրների համար մղված մարտերում՝ արժանանալով ինչպես ամերիկյան, այնպես էլ եվրոպական երկրների ամենաբարձր պարգևներին:

²³ Գ. Ս. Երևանյան, Պատմություն Չարսանձագի հայոց, Բևրուք, 1956, էջ 652—653:

²⁴ Our Boys, էջ 97, 99:

²⁵ J. H. Tashjian, նշվ. աշխ., 1952, էջ 9—25:

²⁶ Halrenik Weekly, 12. III. 1953:

²⁷ Our Boys, էջ 99: J. H. Tashjian, նշվ. աշխ., 1947, էջ 57: J. H. Tashjian, նշվ. աշխ., 1952, էջ 52—56:

²⁸ Our Boys, էջ 102:

²⁹ Նույն տեղում, էջ 103, 128:

«Թող ընդհանուր» ուժերի հրամանատար Ժիրայր Գևորգյանը մասնակցել է Բեռլինի, Մյունխենի, Համբուրգի, Շտուտգարդի ու Բադենի մարտերին: Ֆաշիստական Գերմանիայի վրա շուրջ երեսուն երեք ուժերով են իրականացրել լեյտենանտ Սեն Պարսամյանը, Ժիրայր Զաքարյանը, սերժանտ Չարլզ Տերտերյանը: Վերջինս երեք անգամ պարգևատրվել էր Կաղնու տերևների փունջ շքանշանով և Օդաշուական աչքի ընկած ծառայությունների համար՝ ԱՄՆ-ի օդուժի ամենաբարձր շքանշանով³⁰:

Ամերիկացիները կարգուկանոն ապահովելու նպատակով իրենց նվաճած գերմանական քաղաքներում հաստատել էին ռազմական հսկողություն, որին մասնակցել են նաև բազմաթիվ ամերիկահայեր: Այսպես՝ հինգ խոշոր ճակատամարտերի մասնակից, առաջին կարգի լեյտենանտ Ռոբերտ Թեյթլանդին վստահված էր գերմանական քաղաքներից մեկում իրականացնել քաղաքացիների և դատավորի պաշտոնները: Իր արդարամիտ գործողությունների համար նա ստացել էր «հաշտարար» մականունը³¹:

1945 թ. ապրիլի 27-ին էլբա գետի վրա դաշնակից երկրների և ռուսական զինվորների հիշարժան հանդիպմանը ներկա էր նաև շտաբի սերժանտ Վահան Աղնավուրյանը՝ Ուորքեսթերից³²:

Բազմաթիվ ամերիկահայեր իրենց բնորոշ ազնվության, կարգապահության ու նվիրվածության համար ընդգրկվել են ամերիկյան բարձրաստիճան հրամանատարություններ սպասարկող անձնակազմում: Մառյուկյան բերումով նրանք դարձել են պատմական տարբեր կարևոր խոսակցությունների ակնադետներ: Օրինակ՝ առաջին կարգի շարքային էդմունդ Օրգանյանը (Բրոնքսից), որպես ամերիկյան դիվիզիայի հրամանատարի անձնական թիկնապահ, մասնակցել է Ավստրիայում գերմանական բանակի շրջափակմանը: Իսկ Աֆրիկայում իր դրսևորած գերազանց ծառայության համար դետրոյտաբնակ օրիորդ Սյու Սարաֆյանը դարձել է Եվրոպայում անգլոամերիկյան դաշնակցային զինված ուժերի հրամանատար, գեներալ Դ. էյզենհաուերի շտաբի անդամ՝ գործնականում հանդիսանալով նրա անձնական քարտուղարը: Գեներալի անձնական թիկնապահներից էր մոտ երեք տարի ծովային ծառայություն իրականացրած սերժանտ Սամվել Գարբեդյանը՝ Ռեյսինգ: Իսկ ծովային Հարրի Հակոբյանը (էվերեթից), եղել է եռյակ տերությունների Յալթայի համաժողովում (1945 թ. փետրվարի 4—11) ԱՄՆ-ի պրեզիդենտի անձնական թիկնապահների ղեկավարության կազմում³³:

Ամերիկահայերն անմիջականորեն մասնակցել են նաև խաղաղության տարբեր ռանկցությունների նախապատրաստական և ընթացիկ աշխատանքներին: Այսպես՝ Ֆրանսիական Ռեյմս քաղաքում անցկացված բանակցություններն իրականացվել են առաջնակարգ գծագրող, շտաբի սերժանտ Նյույորքաբնակ Պարզև Սաղաթեյանի պատրաստած քարտեզներով և ռազմական գործողությունները ներկայացնող գծագրերով: Նա ներկա է եղել նաև Պոտսդամի բանակցություններին (1945 թ. հուլիսի 17—օգոստոսի 2), գեներալ Դ. էյզենհաուերի շտաբ ալցելած Մեծ Բրիտանիայի Զորք թագավորի և Ֆրանսիական գեներալ դը Գուլի հանդիպումներին³⁴:

Երկրորդ աշխարհամարտի տարիներին ամերիկահայերը տվել են նաև բազմաթիվ հետախույզներ: Եվրոպայի Դաշնակցային զբաղակցության կենտրոնում գործել է ավագ մայոր Ռոբերտ Չանթիլանը, Եվրոպայում և Հյուսիսային Աֆրիկայում՝ Երախտիքի լեգեոն և Բրոնզե աստղ շքանշաններով, Մարտական խաչով և Ոսկեգոծ աստղով պարգևատրված Արամ Թուրյանը, Միջին արևելքում և խաղաղօվկիանոսյան տարածաշրջանում՝ Ավստրալիայում, Նյու

30 Հայ ժողովրդի պատմություն, հ. VIII, Երևան, 1970, էջ 160:

31 Our Boys, էջ 126:

32 Նույն տեղում, էջ 126:

33 Նույն տեղում, էջ 126, 127, 128:

34 Նույն տեղում, էջ 127:

Զորքիայում, հուլանդական Արևելյան Նեդկաստանում, Ֆիլիպիններում, Ճապոնիայում և այլուր առավել աչքի են ընկել սերժանտ Սեմյուն Թումայանը (Մեդֆորդից), հրամանատար Չարլզ Կարագյուզյանը՝ (Նյու Յորքից), Զերրի Ալաջաջյանը (Ուոթերթաունից) և այլք, իսկ սերժանտ Վահան Նորորեյանը (Բրոնքսից), Թեհրանում փայլուն իրականացրած մի հանձնարարության համար պարգևատրվել է Արծաթե շքանշանով³⁵։

Ամերիկահայ զինվորները, մասնակցելով ամերիկյան բանակի գրեթե բոլոր ռազմական գործողություններին, ծառայության բերումով ականատես են եղել նաև 1945 թ. օգոստոսի 6-ին և 9-ին ճապոնական Հիրոսիմա և Նագասակի քաղաքների ուժաճարմանը։ Այսպես՝ կրտսեր ենթասպա Ալբերտ Բարսումյանը (Հվանսթոնից) առաջնորդել է առաջին ատոմային ռումբը կրող ամերիկյան B-29 ուժակոծիչին։ Տոկիոյի ուժաճարումն առաջինն իրականացրել են Օդագնացության գլխավոր հրետանի շքանշանին արժանացած Մելիք-Փափազյանը և շտաբի սերժանտ էդդի Մուրադյանը³⁶։

Էդվարդ Մարտիրոսյանը՝ Բինգհեմիթից ներկա է եղել 1945 թ. օգոստոսի 15-ին Ճապոնիայի կապիտուլյացիայի ստորագրմանը, իսկ ոմանք էլ, ծառայելով Ճապոնիայի հետ զինադադարի կնքմանը մասնակցող ամերիկյան ռազմականների վրա (մեկնաբանակ Ռոբերտ Մանուկյանը՝ «Թիքոնդերոգա», փրովինդենսաբանակ Չարլզ Ահարոնյանը՝ «Փիեմոնթ», իսկ դրոշակակիր նյույորքաբանակ Զորք Վահան Բաբաքյանը՝ «Միսսուրի» ռազմականների վրա), դարձել են Երկրորդ աշխարհամարտի ավարտն ազդարարող պատմական իրադարձության անմիջական ականատեսներ³⁷։

Անշափ մեծ էր ամերիկահայերի նվիրվածությունն իրենց ասպնջական երկրին, որ բազմաթիվ ընտանիքներ ռազմաճակատ են ուղարկել միանգամից մի քանի հարազատների (եղբայրներ և քույրեր, երկվորյակներ, եռյակներ, ամուսիններ, հայրեր և որդիներ, ազգականներ)։ Հավերժ անմահ է զոհված եղբայրներ Արա և Վահե Աղաժյանների, Հրայր և Սուրեն Մելքոնյանների, Սարգիս և Տիգրան Թաշչյանների, Կարո և Զոն Յազուլյանների հիշատակը³⁸։

Ամերիկյան մամուլն առանձնակի գովեստով է անդրադարձել Քաթարյան բազմազավակ ընտանիքին, որի ութ քաջարի որդիները հերոսաբար մարտնչել են ԱՄՆ-ի տարբեր ղորաշրջաններում։ Արսենը ծովային ինժեներ էր, Վահագնը՝ կուրսանտ, Կարոն՝ հետևակային, Ժիրայրը, Արծվիկը, Հայկը՝ ռազմական օդաչուներ էին արևմտյան ռազմաճակատում, Ալբերտը կռվել է Ֆրանսիայում, իսկ Հրայրը՝ ծառայել Կարմիր խաչի ջոկատում³⁹։

Հարուստիան ընտանիքը ռազմաճակատ է ճանապարհել իր վեց որդիներին՝ Հադրիին, Արսենին, Արամին, Հայկին, Վահանին, Վարգունին և զատեորը՝ Վահունուն։

Ռազմական տարրեր գործողություններում անձնվիրաբար մարտնչել են Տեր-Ղադարյան և Նաչարյան հինգ եղբայրները, յորսով պատերազմի դաշտ է մեկնել Ահմադյան, Գադարյան, Մկրտչյան, Փաթինյան, Մակարյան եղբայրները և այլք⁴⁰։

ԱՄՆ-ն թշնամու ներխուժումից զերծ պահելու նպատակով երկրի զինված ուժերում ծառայել են քույրեր և եղբայրներ՝ Քաթարին և Առաքել Առա-

³⁵ J. H. Tashjian, Նշվ. աշխ., 1947, էջ 58, Ա. Ահարեասյան, Պատմություն Ռամկավար Ազատական Կուսակցության Ամերիկայի Արևմտյան շրջանակի, Լոս Անջելես, 1981, էջ 61։ Our Boys, էջ 116, 127—128։

³⁶ Our Boys, էջ 135։ ՀՀ ՊՊԿԱ, ֆ. 426, ց. 1, գ. 4027, թ. 2։

³⁷ Our Boys, էջ 137։

³⁸ J. H. Tashjian, Նշվ. աշխ., 1952, էջ 204—214։

³⁹ Голос Армян, 22. VI. 1991.

⁴⁰ J. H. Tashjian, Նշվ. աշխ., էջ 215—217, 218—219, 220—227։ Our Boys, էջ 101, 113,

քելյանները, Սյուզան և Սիմոն Թորոսյանները, Լիլիան և Մարտին Արսլանյանները, Սյու, Թիլո, Ռիչ Տարոնացիները, Էլիզաբեթ և Սուրեն Սաջյանները, հայր և դուստր Մանվել և Գլորիա Դարբինյանները, ամուսիններ՝ Լեոն և Մարի Աթթարյանները, Դանիելյանները և շատ ուրիշներ⁴¹։

Համաշխարհային պատերազմի տարիներին ամերիկյան բանակի բոլոր զորատեսակներում ծառայել են հարյուրավոր հայուհիներ, ընդ որում ավելի քան քառասունը՝ ռազմածովային ուժերում, մյուսները՝ հետևակում և ռազմաօդային ուժերում⁴²։

Ամերիկահայերն իրենց ուժերն ու մտավոր կարողությունները ներդրել են նաև «ներքին ճակատում»՝ ներգրավվելով ռազմամթերային, նավաշինական և ռազմական այլ արտադրություններում, ընդհուպ մինչև՝ ատոմային ռումբի ստեղծման ասպարեզը։ Երեսուներկուամյա ատոմագետ դոկտոր Հարրի Դալլանն իր տաղանդի ծաղկման շրջանում, ատոմային ռումբի ստեղծմանը նախորդած փորձարկումների ժամանակ պայթյունի զուհ է գնացել։ Այս բնագավառում իրենց դրսևորել են նաև Ջոն Օհանեսյանը, Սիմոն Էքելյանը, փոխհրամանատար Արամ Փարունակը։ Ռազմական արվեստի ասպարեզում իրենց գիտելիքներով աչքի են ընկել Ռազմական դեպարտամենտի հատուկ վկայագրով պարգևատրված ավադ սերժանտ Հերոլդ Շահնազարյանը, քիմիկոսներ՝ մայոր Զավեն Նալբանդյանը, փոխգնդապետ Կարլ Դոքմեջյանը, Վերջինիս ստեղծած հղոր կործանիչ տանկը գործադրվել է Իտալիայի գրավման ժամանակ⁴³։

Ներկրորդ աշխարհամարտի տարիներին ամերիկահայերն իրենց ավանդն են ներդրել նաև ռազմական բժշկության ասպարեզում։ Ռազմածովային ուժերում անձնուրաց ծառայել են Մարի Հակոբյանը՝ Մեդֆորդից և Ագսեն Միլտոնյանը՝ Ֆիլադելֆից։ Իսկ նյույորքբաժնակ Ռութ Փարուլյանը, ծառայելով Եվրոպայի ծովային տարբեր բուժօրվրական ջոկատներում, իր գործընկերների շրջանում առաջիններից է մուտք գործել Գերմանիա⁴⁴։

Ամերիկահայերը նվիրվածությամբ մասնակցել են նաև տարբեր մայրցամաքներում ամերիկյան Կարմիր խաչի փրկարար աշխատանքներին։ Ֆրեդնոյից ուսուցիչ Հարրի Մանիգյանը ղեկավարել է Ֆիլիպինների Լեյթեյ կղզում, իսկ նյույորքբաժնակ Պաուլին Ռոդ Զաբուլյանը՝ Նոր Գվինեայում իրականացրած ԱՄՆ-ի Կարմիր խաչի աշխատանքները։ Վերջինս Կիրիլ Խանջյանի հետ գործել է նաև Հնդկաստանում ու Բիրմայում։ Հիշարժան է Մայք Գուլյանի՝ Ջինաստանում, Բիրմայում և Հնդկաստանում ծավալած մարդասիրական գործունեությունը։ Սոֆյա Հակոբյանի ղեկավարությամբ գործել է նաև Հայ Կարմիր խաչ կազմակերպությունը⁴⁵։

Ամերիկահայերն անձնուրաց մասնակցել են բազմաթիվ փրկարարական աշխատանքների, նպաստել ռազմական տարբեր գոտիներում խաղաղ բնակչության տեղափոխման աշխատանքներին։ Առաջին կարգի ծովային Ռիչարդ Դերանը պատերազմի երկու տարիների ընթացքում Հնդկաստանում, Հունաստանում, Իտալիայում և այլուր իրականացրել է շուրջ 300 հազար մարդկանց փոխադրումը ռազմական թեժ շրջաններից դեպի համեմատաբար անվտանգ տարածքներ՝ արժանանալով Ջորամիավորման պրեզիդենտական վկայագրի։ Խաղաղ օվկիանոսում նման գործողություններում աչքի է ընկել փոխգնդապետ Հենրի Գորգոդյանը՝ Ալենթաունից⁴⁶։

⁴¹ J. H. Tashjian, նշվ. աշխ., էջ 224—250։

⁴² Նույն տեղում, էջ 454—470։ Зеркало, 18—24. II. 1992.

⁴³ Our Boys, էջ 113, 135, 137։

⁴⁴ Նույն տեղում, էջ 105—106, 125։

⁴⁵ Նույն տեղում, էջ 105, 131։ J. H. Tashjian, նշվ. աշխ., էջ 481։ Ասպարեզ Հիսնամյակ 1908—1958, Ֆրեզնո, 1958, էջ 220։

⁴⁶ Our Boys, էջ 104, 113։

Ամերիկահայերի ջանքերով պատերազմի ամենածանր տարիներին անդամ կազմակերպվել են բազմաթիվ թատերական ներկայացումներ և այլ միջոցառումներ, որոնց ընթացքում հանգանակված զումարը տրամադրվել է բարեսիրական նպատակների և Պատերազմի արժեթղթերի գնմանը: Ռազմաճակատում վիրավորված ֆիլադելֆիաբնակ կրտսեր ենթասպա Ջոն Ֆերնեսթյանն ապաքինվելով, հիվանդանոցի ամերիկյան վիրավոր զինվորների մասնակցությամբ կազմակերպել է ծովի վրա առաջին թատերական ներկայացումը: Հաջողությունն այնքան մեծ էր, որ շուտով խումբը «Միրանա-գուլն սիրտ» միջոցառման շրջանակներում հարյուր քառասունհինգ ներկայացումներով հանդես է եկել ԱՄՆ-ի քսանհինգ նահանգներում՝ հիվանդանոցների վիրավոր զինվորների համար, մասնակցել Պատերազմի արժեթղթերի վաճառքի երեք մեծ հանդիսությունների՝ հանգանակելով 2 մլն դոլար⁴⁷:

Հայերի տաղանդով, քաջությամբ ու նվիրվածությամբ հիացել ու հպարտացել են ամերիկյան բարձրաստիճան պաշտոնյաներ, պետական ու ռազմական գործիչներ՝ արդարացիորեն ընդգծելով ամերիկահայոց առանձնահատուկ տեղն ու դերը հաղթանակը նվաճելու գործում: Այդ է վկայում ամերիկյան Ազգային լեգեոնի հրամանատար Ջորջ Ն. Քրեյդը, որի զորագնդում ևս մարտնչել են հազարավոր ամերիկահայեր: Նա դրել է. «Այդ ընդհարման ժամանակ Ամերիկայի կրակե գծում ներկա ազգերի այս քանակի մեջ, հավանաբար, ոչ ոք այնքան հայտնի չի եղել, որքան հայկական տոհմի ամերիկացիները: Ամերիկահայ տղամարդիկ և կանայք ինքնամոռաց դիմադրեցին՝ հերոսաբար ծառայելով թե՛ տանը և թե՛ դրսում: Հայաստանի ամերիկացի որդիները քաջաբար կռվեցին և զոհվեցին Երկրորդ համաշխարհային պատերազմի յուրաքանչյուր թատերաբեմում: Այսօր նրանցից շատերը կրում են բարձրագույն ռազմական շքանշաններ՝ այդ ճակատամարտերում ցուցաբերած հերոսության և նվիրվածության համար»⁴⁸:

Իսկ Պաշտպանության բարտուղարի օգնական Պոլ Հ. Գրիֆֆինն այդ կապակցությամբ ասել է. «Երկու համաշխարհային պատերազմների վճռական փորձության պահին հայերի (հայերի և ամերիկացիների—Ք. Ա.) ավելի ամուր հանդիսացավ, քան արեւակցականը: Սա բացատրվում է մեր մտածողության ընդհանրությամբ, կեցվածքի և գործողությունների միասնությամբ: Մի համոզված եմ, որ ցանկացած ծագման ամերիկացի հպարտ է հոգևոր արեւակցության օրինակ հանդիսացող ամերիկահայերի վերաբերմունքից, ու նրանք դրսևորեցին Երկրորդ համաշխարհային պատերազմում իրենց քաջարի դիմադրությամբ՝ ի հատուցումն այն պաշտպանության, որ գտել էին այս երկրում»⁴⁹:

Անհատ քաղաքացիներից բացի, Երկրորդ աշխարհամարտում իրենց անգնահատելի նպաստն են բերել նաև ամերիկահայ հասարակական բազմաթիվ նազմակիրսություններ, հայրենակցական միություններ և կուսակցություններ:

Պատերազմի տարիներին հայրենասիրական մղումով էին գործում ամերիկյան տառեր քաղաքների հայկական կենտրոնները: Օրինակ՝ Նյու Յորքի Ամերիկահայերի կոմիտեն ամբողջ պատերազմի ընթացքում հանգանակել և ռազմասկան տեխնիկա գնելու նպատակով կառավարությանն էր տրամադրել մի քանի միլիոն դոլար, որով գնվել էին «Հայաստանի ոգի», «Արարատ» և այլ հայաշունչ անուններ կրող ինքնաթիռներ ու նավեր: Սան Ֆրանցիսկոյի հայերն իրենց հանգանակած միջոցներով Հայկական կոմիտեի անունից 1942 թ. Վոստոկսին ամերիկյան Կարմիր խաչին են նվիրել «Մասիս» երկաթուղային կառաջարդ, իսկ երկրի ռազմական կարիքների համար միայն 1943 թ. 1 մլն դոլար: «Ֆրեզնոյի ամերիկահայ քաղաքացիների լիգայի» և անհատ հայ

47 Նույն տեղում, էջ 103:

48 Նույն տեղում, էջ VI:

49 Նույն տեղում, էջ V:

նվիրատուների ջանքերով 1942—1944 թթ. հավաքվել է շուրջ 8,5 մլն դոլար և այլն⁵⁰:

Ամերիկահայերի անմիացորդ նվիրվածության վերահիշյալ և բազմաթիվ այլ օրինակներ արժանացել են երկրի բարձրաստիճան պաշտոնյաների ամենաջերմ գնահատանքին: Այսպես՝ Նյու Յորքի նահանգապետ Ն. Ֆորդն ասել է. «Այս արդյունքը մեր հայկական ծագումով ամերիկացի քաղաքացիների հավատարմության ու նվիրվածության կոթողային վկայությունն է. դա նվաճում է, որով նրանք կարող են պարզապես հպարտանալ»⁵¹:

Բարձր գնահատանքի է արժանի Հայ նրիտասարդաց Միության գործունեությունը պատերազմի առաջին իսկ օրերից. այն իր անդամների շուրջ կեսին (1.000 երիտասարդ) ծառայության էր ուղարկել ամերիկյան բանակի տարբեր ստորաբաժանումներ, ռազմաճակատին տրամադրել հանգանակություններով զնված երկու ութսկոծիչներ:

Ամերիկահայերը եռանդով արձագանքեցին նաև Պատերազմի արժեքը-թերի վաճառքի կառավարության կողմից՝ երկրի այլ ազգային ներկայացուցիչների համեմատությամբ գնելով ավելի մեծ քանակությամբ արժեթղթեր: Համաձայն պետական զանձարանի դեպարտամենտի հաղորդումների, 1943 թ. Միլիտսի նահանգում հաժանավերի կառուցման համար կազմակերպված հավաքույթի ժամանակ հայերը գնել են 360 հազար դոլարի, իսկ մեկ այլ առիթով՝ 300 հազար դոլարի արժողության Պատերազմի արժեթղթեր: Հայ նրիտասարդաց Միությունն ու Հայ Հեղափոխական Դաշնակցությունը շուրջ 1 մլն դոլարի աջակցի արժեթղթեր գնելու համար արժանացել են բարձր Ալյումինե ասորդների⁵²:

Ցաշիգմի դեմ պայքարի ճակատագրական տարիներին ամերիկահայ տարբեր կուսակցությունները միասնականություն են դրսևորել ոչ միայն իրենց քաղաքացիական պարտքի կատարման, այլև՝ հեռավոր հայրենիքին նյութապես և բարոյապես սատարելու գործում: Այդ մասին է վկայում 1941 թ. օգոստոսին Նյու Յորքում տեղի ունեցած զանգվածային հանրահավաքի ժամանակ խՄԶՄ կառավարության ուղղված ամերիկահայության հետևյալ դիմումը. «Մենք՝ ամերիկահայերս, որոնց բնիկ երկիրը կը պաշտպանեն Կարմիր Բանակը, կզգանք, որ պարտավոր ենք օգնելու Սովետ Մեության, պայքարելու մինչև այն ատեն, երբ ամբողջ աշխարհի երեսն կռնչացվի ֆաշիզմը»⁵³:

Պատերազմի ամերիամճական տարիներին աշխարհով մեկ սփռված հայությունը միավորվել է Ազգային ճակատներում, որոնց գործունե կազմակերպություններից էր նաև 1944 թ. մարտի 19-ին Նյու Յորքում ձևավորված Ամերիկահայ ազգային խորհուրդը՝ ամերիկահայ տարբեր կազմակերպությունների միասնական ճակատը (Ջադկացած ՌԱԿ-ի, ՍԴՀԿ-ի, Ամերիկահայ Առաջադիմական Միության, ՀԲԸՄ-ի, հարանվանական եկեղեցիների, տարբեր հայրենակցականների ու միությունների ներկայացուցիչներից), որը երկրով մեկ տարածված իր ռազմավթիմ մասնաճյուղերով միջոցառումներ, հանգանակություններ ու նվերատվություններ է հազմակերպել ի նաաստ ամերիկյան և խորհրդային բանակների, Կարմիր հաշի և Մայր Հայրենիքի, իսկ պատերազմի ավարտի հետո (մինչև 1950 թ.) ձեռնամուխ է եղել նաև նորահաս ՄԱԿ-ի շրջանակներում Հայ Դատին արժանացի տուժում տալու խրնո-ոին⁵⁴: Ամերիկահայ ազգային խորհրդի հայրենանվեր ջանքերի շնորհիվ 1944 թ.

⁵⁰ Նույն տեղում, էջ 472—474, 481:

⁵¹ N. Barsumian, նշվ. աշխ., էջ 145:

⁵² Նույն տեղում, էջ 136—137, J. H. Tashjian, նշվ. աշխ., 1947, էջ 38—39, S. A t a m i a n, The Armenian Community, New York, 1955, p. 394.

⁵³ Ինչու համար կը կոչվենք մենք հայերս, Նյու Յորք, 1942, էջ 74:

⁵⁴ Հայ ժողովրդի պատմություն, հ. VIII, էջ 154: Ա. Անդրեասյան, նշվ. աշխ., էջ 11—12, 119—120:

գարնանը ֆաշիզմին հերոսաբար դիմագրաված ԽՍՀՄ-ի ազատագրված տարածքների բնակչության համար ուղարկվել է 75 հազար դոլարի արժողության 25 հազար նվեր-ծանրոց, Հայաստանի համար՝ մեկ նավ հագուստեղեն, Բացի այդ, Ռուսաստանի օգնության կոմիտեի միջոցով Կարմիր բանակի համար առաքվել է 50 հազ. դոլար, ինչպես նաև 87 հազ. դոլարի արժողության դեղորայք: Խորհրդային Միության պատերազմական ջանքերին աջակցող ամերիկա-հայկական կոմիտեն մինչև 1943 թ. Կարմիր բանակի համար հանգանակել է շուրջ 56 հազ., կարիքավորների համար՝ 29 հազ., Հայաստանի համար՝ 11 հազ. դոլար, ինչպես նաև 9 հազ. դոլարի արժողության 2.700 կտոր բրդյա գործվածքեղեն և այլն⁵⁵:

Ամերիկահայությունը, անմնացորդ օժանդակելով պատերազմից ուժասպառ Խորհրդային Միությանը և հեռավոր Մայր Հայաստանին, իր զգալի ներդրումն է ունեցել նաև սփյուռքի առաջադեմ ուժերի կողմից «Սասունցի Դավիթ» տանկային շարասյան ստեղծման գործին: Ամերիկահայության արագ և կազմակերպված ջանքերի շնորհիվ այդ նպատակով 1943 թ. մարտից մինչև 1944 թ. մարտ ընկած ժամանակահատվածում ԱՄՆ-ում հանգանակվել է առնվազն 115 հազ. դոլար՝ «Սասունցի Դավիթ» տանկային առաջին (նաև 173 հազ. դոլար՝ Կարմիր իսաչի հիմնադրամին), ապա՝ 40 հազ. դոլար երկրորդ շարասյունների կառուցման համար, որոնք շատ կարճ ժամանակում շարք մտնելով, մասնակցել են Խորհրդային բանակի ազատագրական հաղթարշավին: Իսկ 1945 թ. «Զորավար Բաղրամյան» տանկային նոր շարասյան կառուցման համար սկսված հանգանականությունը դադարել է Հայրենական մեծ պատերազմի ավարտի հետ⁵⁶: Ամերիկահայոց հոգևոր առաջնորդ Գարեգին արքեպիսկոպոս Հովսեփյանի ջանքերով կազմակերպված Հայկական հանձնախումբը մեկ տարվա ընթացքում, ի նպաստ Կարմիր բանակի, Մայր Հայրենիքի և սփյուռքի հայրենակիցների, հանգանակել է 120 հազ. դոլար, իսկ «Սասունցի Դավիթ» տանկային շարասյան համար՝ 85 հազ. դոլար⁵⁷:

Ամերիկահայերի անդուլ ջանքերի շնորհիվ հնարավոր էր դարձել օգնել նաև ֆաշիստական ճամբարներում բռնադատված բազմահազար հայորդիներին. սկզբում՝ նյութապես ու բարոյապես, ապա նաև՝ տեղափոխելով ու վերաբնակեցնելով նրանց ԱՄՆ-ում, ինչպես նաև Կանադայում, Հարավային Ամերիկայում և Ավստրալիայում⁵⁸: Այդ դժվարին պարտականությունն իր վրա էր վերցրել Սան Ֆրանցիսկոյի «Օմար խայյամ» ճաշարանի տնօրեն Զորջ Մարտիկյանը, որը ԱՄՆ-ի զինված ուժերի նախարարության հանձնարարությամբ ղեկավարել է տարբեր մայրցամաքներում տեղակայված մամերիկյան զորքերի պարենավորումը կարգավորելու հարցերը: Պետական բուրձր առաջադրանքները բարձր մակարդակով իրականացնելու համար նա արժանացել է համընդհանուր ճանաչման⁵⁹: Զ. Մարտիկյանը եվրոպական տարբեր երկրներ և, մասնավորապես, Գերմանիա իր առաքելությունների ընթացքում այցելել է տեղի ճամբարները, հանդիպել հարյուրավոր հայազգի գերիների, որոնք, ստալինյան երկրում ծավալված՝ հետպատերազմյան հալածանքներից ու աքսորից սարսափահար, չէին համարձակվում վերադառնալ իրենց հայրենի բնակավայրերը: Նրանց կյանքը փրկելու նպատակով ամերիկ-

⁵⁵ Հայ ժողովրդի պատմություն, հ. VIII, էջ 154: Ա. Գ. Աբրահամյան, Համառոտ ուղագիտ հայ գաղթավայրերի պատմություն, հ. 2, Երևան, 1967, էջ 402: Ամերիկյան Սովետ րարեկամություն, Նյու Յորք, 1943, էջ 48:

⁵⁶ Հայ ժողովրդի պատմություն, հ. VIII, էջ 158: Ա. Գ. Աբրահամյան, նշվ. աշխ., էջ 403:

⁵⁷ Ա. Քենյ. Աշխատանք, վիճակացույց և պատմություն առաջնորդական թեմին Հայոց Ամերիկայի 1948, Նյու Յորք, 1949, էջ 45:

⁵⁸ V. Weritsman, նշվ. աշխ., էջ 16:

⁵⁹ A. S. Avakian, The Armenians in America, Minneapolis, 1977, էջ 53: Ղազար-Չարբգ, Հուշամատյան Բարձր Հայքի. Կարինապատում, Բելրուի, 1957, էջ 772—773:

յան քաղաքական ու զինվորական շրջանակներում մեծ հեղինակություն վայելող Զ. Մարտիկյանը, ստանալով Վաշինգտոնի պաշտոնական հանձնարարությունը, 1947 թ. Սան Ֆրանցիսկոյում կազմակերպել է «Հայրենազուրկ Հայերի Օգնության Ամերիկյան Ազգային Կոմիտե» (ԱՆՁԱ)՝ ստանձնելով նախագահի պարտականությունը, իսկ փոխնախագահն էր փաստաբան Սուրեն Սաբոյանը։ Կամավոր հիմունքներով գործող այդ կազմակերպությունը ԱՄՆ-ի տարբեր նահանգներում տարածված իր մասնաճյուղերի, Հայ Օգնության Միության և ազգային այլ կազմակերպությունների տրամադրած նյութական միջոցներով ամերիկյան բեռնատար «Նեմփի» ռազմանավերով և «Դուգլաս» օդանավերով, ընդհուպ մինչև 1952 թ., իրականացրել է պատերազմի տարիներին Գերմանիայում, Ավստրիայում, Իտալիայում հայտնված ավելի քան 4.500 հայրենազուրկ ու տարագիր հայերի փոխադրումն ու բնակեցումը ամերիկյան հողում (հիմնականում՝ Նյու Յորք, Նյու Ջերսի, Փենսիլվանիա, Մասսաչուսեթս, Ռոդ Այլենդ, Զոնեկտիկուտ, Միչիգան, Իլինոյս, Օհայո, Ուիսկոնսին, Կալիֆոռնիա և այլ նահանգներում)⁸⁰։ Արևմտյան Եվրոպայում ԱՆՁԱ-ի ծրագրերն իրագործվել են շնորհիվ ամերիկյան բանակի զորավար Հայկ Շեքերյանի, որը, հավատարիմ մնալով իր արմատներին, պատերազմի ավարտից անմիջապես հետո մեկ առ մեկ այցելել է ռազմագերիների ճամբարները, փնտրել, գտել և օգնել անորոշության մեջ խարխափող իր հայրենակիցներին (ամենից շատ հայ տարագիրներ կային Շտուտգարդի մոտ գտնվող Ֆունկերկազերնի ճամբարում՝ շուրջ 2.000 մարդ)⁸¹։ Ջորջ Մարտիկյանի ցուցաբերած քաղաքական, պետական ու դիվանագիտական հմտությունները բարձր են գնահատվել ԱՄՆ-ի նախագահի, Կոնգրեսի և զինվորական հրամանատարությունների կողմից. նա արժանացել է Ամերիկյան բանակի զինվորների մետաքսյա ժապավենի, Ազատության շքանշանի, ինչպես նաև՝ նախագահ Դ. էյզենհաուների շնորհած «Ամերիկյան Առաջին Քաղաքացի» տիտղոսին⁸²։

Այսպիսով, Երկրորդ աշխարհամարտի տարիներին երկրագնդի առաջադեմ ժողովուրդների հետ միասին ֆաշիզմի ջախջախման և հաղթանակի նվաճման գործում իր գնահատելի և արժանավոր ավանդն է ներդրել նաև սփյուռքի ամերիկահայ հատվածը։

УЧАСТИЕ АМЕРИКАНСКИХ АРМЯН ВО ВТОРОЙ МИРОВОЙ ВОЙНЕ

К. Р. АВАКЯН

Резюме

Рассеянные исторической судьбой по всему миру армяне, особенно американские армяне, в годы второй мировой войны вместе с прогрессивными народами боролись против фашизма.

Весь период войны во всех видах вооруженных сил (пехота, военно-воздушные и военно-морские силы) и во всех военных действиях (тихоокеанские, североафриканские, европейские и др.) бок о бок с американскими солдатами героически сражались около 20 тыс. американских армян.

⁸⁰ Զ. Մարտիկյան, Երգն Ամերիկայի, Բեյրութ, 1957, էջ 329—333, 351, 352, N. Barsumian, նշվ. աշխ., էջ 151,

⁸¹ Զ. Մարտիկյան, նշվ. աշխ., էջ 329, 351, N. Barsumian, նշվ. աշխ., էջ 251,

⁸² Ղազար-Չարք, նշվ. աշխ., էջ 776:

Американские армяне самоотверженно служили в частях военной медицины, участвовали в спасательных работах американского Красного креста на различных материках.

Свои силы и интеллектуальный потенциал они вложили также во «внутренний фронт» (интендантство, судостроительное и другое военное производство, вплоть до создания атомной бомбы).

Кроме отдельных граждан, в период второй мировой войны свой неоценимый вклад в дело победы внесли также американо-армянские общественные организации, земляческие союзы, национальные партии, оказывая тем самым материальную и моральную поддержку США, а также своей далекой Родине.